

修訂日期 2006/04/12 発行日期 2007/3/7 発行単位 中華電子

大典協會 (CBETA) <http://www.cbeta.org> 資料底本 大正新修

大正藏經 Vol. 14 No. 454 原始資料 蕭鎮国大德提供 維習安大

德提供之高麗藏 CD 經文 北美某大德提供 No. 454 [Nos. 453

455]

佛說弥勒下生成佛經後秦龜茲国三藏鳩摩羅什訳

大智舍利弗 能随仏転法輪 仏法之大将 憐愍衆生故白仏言

世尊如前後經中説 弥勒当下作仏 願欲広聞弥勒功德神力国土莊

嚴之事 衆生以何施何戒何慧得見弥勒

爾時仏告舍利弗 我今広為汝説 当一心聴 舍利弗 四大海水

以漸減少三千由旬 是時閻浮提地 長十千由旬広八千由旬 平坦

如鏡名華軟草遍覆其地 種種樹木華果茂盛 其樹悉皆高三十里

城邑次比鷄飛相及 人寿八万四千歳 智慧威徳色力具足安隠快樂

唯有三病 一者便利 二者飲食 三者衰老 女人年五百歳 爾乃

行嫁

是時有一大城 名翅頭末 長十二由旬広七由旬 端嚴殊妙莊嚴

清浄 福徳之人充滿其中 以福徳人故豊樂安隠 其城七宝上有樓

閣 戸牖軒窓皆是衆宝 真珠羅網弥覆其上 街巷道陌広十二里

掃洒清浄 有大力龍王名曰多羅尸棄 其池近城龍王宮殿 在此池

中常於夜半 降微細雨用淹塵土 其地潤沢譬若油塗 行人来往無

有塵坌 時世人民福徳所致 巷陌処処有明珠柱 皆高十里 其光

明曜昼夜無異 灯燭之明不復為用 城邑舍宅及諸里巷 乃至無有

細微土塊 純以金沙覆地 処処皆有金銀之聚 有大夜叉神名跋陀

波羅賒塞迦(秦言善教) 常護此城掃除清浄 若有便利不浄 地裂

受之 受已還合 人命將終自然行詣塚間而死 時世安樂無有怨賊
劫窃之患 城邑聚落無閉門者 亦無衰惱水火刀兵及諸饑饉毒害之
難 人常慈心恭敬和順 調伏諸根語言謙遜 舍利弗 我今為汝粗
略說彼国界城邑富樂之事 其諸園林池泉之中 自然而有八功德水
青紅赤白雜色蓮華遍覆其上 其池四辺四宝階道 衆鳥和集 鷲
鴨 鴛鴦 孔雀 翡翠 鸚鵡 舍利 鳩那羅 耆婆耆婆等 諸妙音
鳥常在其中 復有異類妙音之鳥 不可称数 果樹香樹充滿国内
爾時閻浮提中常有好香 譬如香山 流水美好味甘除患 雨沢隨時
穀稼滋茂 不生草穢一種七穫 用功甚少所收甚多 食之香美氣力
充實

其国爾時有轉輪王名曰蟻佉 有四種兵不以威武治四天下 其王

千子 勇健多力能破怨敵 王有七宝金輪宝象宝馬宝珠宝女宝主藏

宝主兵宝 又其国土有七宝台 举高千丈千頭千輪広六十丈 又有

四大藏 一大藏各有四億小藏圍繞 伊勒鉢大藏在乾陀羅国 般

軸迦大藏在弥緹羅国 賓伽羅大藏在須羅咤国 蟻佉大藏在波羅捺

国 此四大藏縦広千由旬 満中珍宝各有四億 小藏附之 有四大

龍王各自守護 此四大藏及諸小藏自然踊出 形如蓮華 無央数人

皆共往觀 是時衆宝無守護者 衆人見之心不貪着 棄之於地猶如

瓦石草木土塊 時人見者皆生厭心而作是念 往昔衆生為此宝故共

相残害 更相偷劫欺誑妄語 令生死罪縁展轉增長 翅頭末城衆宝

羅網弥覆其上 宝鈴莊嚴微風吹動 其声和雅如扣鐘磬

其城中有大婆羅門主 名曰妙梵 婆羅門女名曰梵摩波提 弥勒

託生以為父母 身紫金色三十二相 衆生視之無有厭足 身力無量

不可思議 光明照耀無所障礙 日月火珠都不復現 身長千尺胸広

三十丈 面長十二丈四尺 身体具足端正無比 成就相好如鑄金像

肉眼清淨見十由旬 常光四照面百由旬 日月火珠光不復現 但有

仏光微妙第一

彌勒菩薩觀世五欲致患甚多衆生沈没在大生死甚可憐愍 自以如

是正念觀故 不樂在家 時蟻佉王共諸大臣持此宝台奉上彌勒 彌

勒受已施諸婆羅門 婆羅門受已即便毀壞各共分之 彌勒菩薩見此

妙台須臾無常知一切法皆亦磨滅 修無常想出家學道 坐於龍華菩

提樹下 樹莖枝葉高五十里 即以出家日得阿耨多羅三藐三菩提

爾時諸天龍神王 不現其身而雨華香供養於仏 三千大千世界皆大

震動 仏身出光照無量國 応可度者皆得見仏

爾時人民各作是念 雖復千万億歲受五欲樂 不能得免三惡道苦

妻子財產所不能救 世間無常命難久保 我等今者宜於仏法修行梵

行 作是念已出家學道 時蟻佉王亦共八万四千大臣 恭敬圍繞出

家學道 復有八万四千諸婆羅門聰明大智 於仏法中亦共出家 復

有長者名須達那 今須達長者是 是人亦与八万四千人俱共出家

復有梨師達多富蘭那兄弟 亦与八万四千人出家 復有二大臣 一

名栴檀二名須曼 王所愛重亦与八万四千人俱 於仏法中出家 蟻

佉王宝女名舍彌婆帝 今之毘舍佉是也 亦与八万四千婁女俱共出

家 蟻佉王太子名曰天色 今提婆娑那是 亦与八万四千人俱共出

家 彌勒仏親族婆羅門子名須摩提 利根智慧 今鬱多羅是 亦与

八万四千人俱 於仏法中出家 如是等無量千万億衆見世苦惱 皆

於彌勒仏法中出家

爾時彌勒仏見諸大衆作是念言 今諸人等不以生天樂故 亦復不

為今世樂故 来至我所 但為涅槃常樂因縁 是諸人等皆於仏法中

種諸善根 釈迦牟尼仏遣来付我 是故今者皆至我所 我今受之

是諸人等或以誦誦分別決定修妬路毘尼阿毘曇蔵 修諸功德来至我

所 或以衣食施人持戒智慧 修此功德来至我所 或以幡蓋華香供
養於仏 修此功德来至我所 或以布施持齋修習慈心 行此功德来
至我所 或為苦惱衆生令其得樂 修此功德来至我所 或以持戒忍辱
修清淨慈 以此功德来至我所 或以施僧常食齋講設會供養飯食
修此功德来至我所 或以持戒多聞修行禪定無漏智慧 以此功德来
至我所 或以起塔供養舍利 以此功德来至我所 善哉釈迦牟尼仏
能善教化如是等百千萬億衆生 令至我所 彌勒仏如是三稱讚釈迦
牟尼仏 然後説法而作是言 汝等衆生能為難事 於彼惡世貪欲瞋
恚愚痴迷惑短命人中 能修持戒作諸功德甚為希有 爾時衆生不識
父母沙門婆羅門 不知道法 互相惱害近刀兵劫 深着五欲嫉妬諂
曲 佞濁邪偽無憐愍心 更相殺害食肉飲血 汝等能於其中修行善
事是為希有 善哉釈迦牟尼仏 以大悲心能於苦惱衆生之中説誠実
語 示我当来度脱汝等 如是之師甚為難遇 深心憐愍惡世衆生
救拔苦惱令得安隱 釈迦牟尼仏為汝等故 以頭布施割截耳鼻手足
支体 受諸苦惱以利汝等 彌勒仏如是開導安慰無量衆生 令其歡
喜 然後説法 福德之人充滿其中 恭敬信受渴仰大師 各欲聞法
皆作是念 五欲不淨衆苦之本 又能除捨憂戚愁惱 知苦樂法皆是
無常 彌勒仏觀察時會大衆心淨調柔 為説四諦 聞者同時得涅槃
道

爾時彌勒仏於華林園 其園縱広一百由旬 大衆滿中 初会説法
九十六億人得阿羅漢 第二大会説法 九十四億人得阿羅漢 第三
大会説法 九十二億人得阿羅漢 彌勒仏既轉法輪度天人已 將諸
弟子入城乞食 無量淨居天衆恭敬 從仏入翅頭末城 当入城時現
種種神力無量變現 釈提桓因与欲界諸天 梵天王与色界諸天 作
百千伎樂歌詠仏徳 雨天諸華梅檀抹香供養於仏 街巷道陌豎諸幡

蓋 燒衆名香其煙如雲 世尊入城時 大梵天王 釈提桓因 合掌恭
敬以偈讚曰

正遍知者 兩足尊 天人世間 無与等

十力世尊 甚稀有 無上最勝 良福田

其供養者 生天上 稽首無比 大精進

爾時天人 羅刹等 見大力魔 仏降伏之 千万億無量衆生 皆大歡喜

合掌唱言 甚為希有 甚為希有 如來神力 功德具足 不可思議 是時

天人以種種雜色蓮華 及曼陀羅花 散仏前地 積至于膝 諸天空中 作

百千伎樂 歌歎 仏徳 爾時魔王 於初夜後夜 覺諸人民 作如是言 汝

等既得人身 值遇好時 不応竟夜 眠睡覆心 汝等若立 若坐常勤 精進

正念 諦觀五陰 無常 苦 空 無我 汝等勿為 放逸 不行 仏教 若起 惡業

後必致悔 時街巷男女 皆効此語言 汝等勿為 放逸 不行 仏教 若起

惡業 後必有悔 當勤方便 精進 求道 莫失法利 而徒生 徒死也 如是

大師拔苦惱者 甚為難遇 堅固精進 當得常樂 涅槃 爾時 弥勒 仏諸弟

子 普皆端正 威儀具足 厭生老病死 多聞 広学 守護法蔵 行於 禅

定 得離諸欲 如鳥出殻 爾時 弥勒 仏欲往 長老 大迦葉所 即与 四衆

俱就耆闍崛山 於山頂上 見大迦葉 時男女大衆 心皆驚怪 弥勒 仏

讚言 大迦葉比丘 是釈迦牟尼 仏大弟子 釈迦牟尼 仏於大衆中 常

所讚歎 頭陀第一 通達 禅定 解脱 三昧 是人 雖有 大神力 而無 高心

能令衆生 得大歡喜 常愍 下賤 貧悩 衆生 救拔 苦悩 令得 安隱 弥勒

仏讚 大迦葉 骨身言 善哉 大神徳 釈獅子 大弟子 大迦葉 於彼 惡世 能

修其心 爾時 人衆 見大迦葉 為 弥勒 仏所讚 百千億人 因是 事已 厭

世得道 是諸人等 念釈迦牟尼 仏於 惡世 中教化 無量 衆生 令得 具六

神通 成阿羅漢 爾時 説法之 処 広八十由旬 長百由旬 其中 人衆 若坐

若立 若近 若遠 各各自見 仏在其前 獨為 説法 弥勒 仏住世 六万 歳

憐愍衆生令得法眼 滅度之後法住於世亦六万歳 汝等宜応精進
清浄心起諸善業 得見世間灯明弥勒仏身必無疑也 仏説是經已
舍利弗等歡喜受持
仏説弥勒下生成仏經